

# БАНК АЖБОРОТНОМАНИ

Банк ходимлари ва тадбиркорларнинг ҳафталик газетаси

ISSN 2010-6602

Сайтимизга ўтиш учун QR-коднинг телефонингиз орқали сканер қилинг.



1995 йил январдан бошлаб нашр этилмоқда

№13 (1140), 2018 йил 29 март

## Банк хизматлари оммабоплигини ошириш бўйича қўшимча чора-тадбирлар тўғрисида Ўзбекистон Республикаси Президентининг ҚАРОРИ

Амалга оширилаётган ислохотлар натижасида банк тизимида хизматлар кўрсатишнинг бозор механизмлари жорий этилмоқда, уларнинг турлари кенгаймоқда, тадбиркорлар ва аҳоли учун молиявий очиқлик ошиб бормоқда.

Аҳоли учун валюта айирбошлаш амалиётларини амалга оширишни енгиллаштирувчи янги банк хизматлари жорий этилди, яқка тартибдаги тадбиркорлар томонидан чет эл валютасини сотиб олиш учун имкониятлар яратилди.

Шу билан бирга, банк хизматлари истеъмолчиларининг ҳуқуқ ва қонуний манфаатларига, айниқса, ҳудудларда риоя этиш ҳамда молиявий очиқликни кенгайтириш, шунингдек, хизмат кўрсатиш маданияти ва банк тизими-га бўлган ишончни янада оширишда бир қатор муаммо ва камчиликлар кузатишмоқда. Хусусан:

биринчидан, кредитларни ажратиш бўйича қарор қабул қилишда ваколатлар ҳаддан ташқари марказлашганлиги бош банклар ва уларнинг фи-

лиаллари ўртасидаги жавобгарликнинг аниқ чегараланишига тўсқинлик қилмоқда;

иккинчидан, кредит буюртмаларини кўриб чиқишнинг мураккаб механизмлари кредитларни тезкор олиш имкониятларини чегараламоқда;

учинчидан, тижорат банклари томонидан микроқарзлар ажратилиши имкониятининг мавжуд эмаслиги микроқарзларни олиш даражасини оширишни таъминламаяпти, микрокредит ташкилотлар ва ломбардларнинг хизматлари бўйича юқори фоиз ставкалари аксарият ҳолатларда истеъмолчиларнинг молиявий ҳолати ёмонлашишига олиб келмоқда;

тўртинчидан, чакана банк хизматлари бозорининг паст даражада ривожланганлиги ва мижозлар билан ҳамкорлик муносабатларини йўлга қўйишнинг замонавий ёндашувлари мавжуд эмаслиги ортиқча бюрократия ва сансалорлик учун замин яратмоқда; бешинчидан, банк карталари асосида нақд пулсиз ҳисоб-китобларни амалга ошириш бўйича давлат про-

цессинг ташкилотининг мавжуд эмаслиги чакана тўлов тизимларининг хавфсизлик, узлуксизлик ва ишончлик даражасига таъсир кўрсатмоқда ва аҳолининг кенг қатламлари учун очиқ инновацион лойиҳаларни амалга оширишда замонавий технологик ечимларни илгари суришга тўсқинлик қилмоқда;

олтинчидан, кредитларни (микроқарзларни) кўриб чиқиш ва ажратиш учун хизмат ҳақлари ва бошқа тўловларнинг ундирилиши қарзнинг реал қиймати ошишига олиб келмоқда; еттинчидан, шартномаларга хизматлар учун тарифлар, ажратилган кредитлар ва қабул қилинган депозитлар бўйича фоиз ставкаларни бир томонлама ўзгартиришни назарда тутувчи шартларни киритиш, шунингдек, бир хизматни қўшимча хизматдан фойдаланиш шarti билан кўрсатиш банк хизматлари истеъмолчиларининг ҳуқуқларини бузмоқда;

саккизинчидан, банк тўлов карталаридан чет эл валютасини ечиш бўйича чекловларнинг мавжудли-

ги ва банкоматлар сонининг етарли эмаслиги валюта айирбошлаш амалиётларини амалга оширишда хизмат кўрсатишни талаб даражасида таъминламаяпти.

Кўрсатиб ўтилган муаммоларни бартараф этиш, банк хизматлари истеъмолчиларининг ҳуқуқларини ҳимоя қилишни таъминлаш механизмларини янада такомиллаштириш ва инновацион ривожланишнинг тенденцияларини инобатга олган ҳолда молиявий очиқлик даражасини ошириш, шунингдек, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни амалга ошириш мақсадида:

1. Белгилансинки, банк хизматларининг оммабоплигини оширишни таъминлаш ва банк хизматлари истеъмолчиларининг ҳуқуқларини ҳимоя қилиш Ўзбекистон Республикаси Марказий банкининг асосий вазифаларидан бири ҳисобланади.

(Давоми 5-бетда).

### ХАЛҚАРО КОНФЕРЕНЦИЯ

## Ўзбекистон ташаббуси билан Афғонистондаги тинчлик учун халқаро мулоқот майдони ташкил этилди



«Ўзбекистон» халқаро анжуманлар саройида 27 март куни «Тинчлик жараёни, хавфсизлик соҳасида ҳамкорлик ва минтақавий шериклик» мавзусида халқаро конференция бўлиб ўтди.

Конференцияда Ўзбекистон Республикаси Президенти Шавкат Мирзиёев нутқ сўзлади.

Президентимиз ташаббуси билан ташкил этилган мазкур конференция нафақат минтақа давлатлари, балки бутун дунёда катта қизиқиш уйғотди.

(Давоми 6-бетда).

### ИСТИҚБОЛЛИ ҲАМКОРЛИК

## Банкнинг хорижий ҳамкорлари сафи янада кенгайди



Жорий йилнинг 23-24 март кунлари Истанбул шаҳрида «Микрокредитбанк» акциядорлик-тижорат банки бошқаруви раиси Ганишер Маматқулов билан Туркиянинг йи-

рик банкларидан «Вақифбанк» раиси Мехмет Эмин Узган ҳамда «Эксимбанк» раиси Аднан Йилдирим ўртасида учрашув бўлиб ўтди.

(Давоми 4-бетда).

### УШБУ СОНДА:

#### Аудит натижалари

«Asia Alliance Bank» АТБ  
«Мадад Инвест Банк» АТБ.  
2, 3, 7-бетлар.



#### Банк тизими

Банк хизматлари оммабоплигини оширишнинг аниқ чоралари кўрилмоқда.  
3-бет.



#### Хабарлар, воқеалар

«Ўзсаноат-қурилишбанк» жамоаси ғолиб.  
8-бет.

## АУДИТ НАТИЖАЛАРИ

# «ASIA ALLIANCE BANK»

## акциядорлик-тижорат банки

Рўйхат рақами: ЎзРМБнинг 2017 йил 21 октябрдаги 79-сонли лицензияси.  
Юридик манзили: 100047, Тошкент шаҳри, Махтумқули кўчаси, 2а

### МОЛИЯВИЙ ҲОЛАТ ТЎҒРИСИДАГИ ЙИФМА ҲИСОБОТ

31 декабрда яқунланган 2017 йил учун (минг сўмда)

Моддалар	2017 йил 31 декабрь	2016 йил 31 декабрь
<b>Активлар</b>		
Пул маблағлари ва уларнинг эквивалентлари	322 617 067	240 379 608
Банклардаги маблағлар	134 093 112	119 402 742
Мижозларга кредит ва бўнақлар	852 442 950	734 439 739
Асосий воситалар	46 306 840	31 534 276
Номоддий активлар	1 096 419	1 055 736
Инвестициявий мулк	9 474 564	8 569 425
Фойда солиғи бўйича олдидан амалга оширилган тўлов	4 854 693	1 076 516
Муддати кечиктирилган солиқ талаблари	1 437 502	254 790
Бошқа активлар	20 644 213	18 727 539
<b>ЖАМИ: АКТИВЛАР</b>	<b>1 392 967 360</b>	<b>1 155 440 371</b>
<b>Мажбуриятлар</b>		
<b>Депозитлар</b>		
Банкларнинг маблағлари	87 627 435	151 675 999
Мижозларнинг маблағлари	1 051 228 590	801 842 241
Муддати кечиктирилган солиқ мажбурияти	-	-
Бошқа мажбуриятлар	12 432 633	8 487 233
<b>Жами: мажбуриятлар</b>	<b>1 151 288 658</b>	<b>962 005 473</b>
<b>Хусусий капитал</b>		
Устав капитал	140 000 000	124 166 125
Сотиб олинган ўз акциялари	-	(7 646 750)
Эмиссия даромади	3 919 856	3 075 267
Тақсимланмаган фойда	97 758 846	73 840 256
<b>Жами: хусусий капитал</b>	<b>241 678 702</b>	<b>193 434 898</b>
<b>Жами: мажбурият ва хусусий капитал</b>	<b>1 392 967 360</b>	<b>1 155 440 371</b>

### ҲОДА ҲИ ЗАРАР ВА БОШҚА УМУМЛАШГАН ДАРОМАД ТЎҒРИСИДАГИ ЙИФМА ҲИСОБОТ, 31 декабрда яқунланган 2017 йил учун (минг сўмда)

Моддалар	2017 йил 31 декабрь	2016 йил 31 декабрь
Ҳоизли даромад	131 799 930	88 975 269
Ҳоизли харажат	(40 325 053)	(26 039 323)
Ҳоиз ҳисобланадиган активларнинг қадрсизланиши бўйича захирага қадар олинган соф ҳоизли даромад	<b>91 474 877</b>	<b>62 935 946</b>
Кредитларнинг қадрсизланиши бўйича захира (шакллантириш)/қайта тиклаш	(9 411 347)	(2 337 326)
Ҳоиз ҳисобланадиган активларнинг қадрсизланиши бўйича захирадан кейинги соф ҳоизли даромад	<b>82 063 530</b>	<b>60 598 620</b>
Воситачилик ва хизмат кўрсатишдан олинган даромадлар	78 203 003	55 439 534
Воситачилик ва хизмат кўрсатишга сарфланган харажатлар	(31 507 060)	(23 401 686)
Ҳорижий валюта билан боғлиқ операциялар бўйича соф ҳоизли	21 691 460	4 690 863
Бошқа активлар ва мажбуриятлар бўйича захира	2 589 828	(287 629)
Бошқа даромадлар	3 307 854	3 986 924
Соф ҳоизсиз даромад	<b>74 285 085</b>	<b>40 428 006</b>
Операцион даромадлар	<b>156 348 615</b>	<b>101 026 626</b>
Операцион харажатлар	<b>(82 364 715)</b>	<b>(54 351 354)</b>
Солиқ ундирилгунга қадар олинган ҳоизли	<b>73 983 900</b>	<b>46 675 272</b>
Ҳоизли солиғи бўйича харажатлар	(13 269 757)	(9 596 910)
Ҳисобот давридаги соф ҳоизли	<b>60 714 143</b>	<b>37 078 362</b>
Ҳисобот давридаги бошқа умумлашган даромад	-	-
Ҳисобот давридаги жами умумлашган даромад	<b>60 714 143</b>	<b>37 078 362</b>
Ҳар бир акцияга тўғри келувчи базавий ва майдалаштирилган ҳоизли (сўмда)	122	77

### КАПИТАЛДАГИ ЎЗГАРИШЛАР ТЎҒРИСИДАГИ ЙИФМА ҲИСОБОТ, 31 декабрда яқунланган 2017 йил учун (минг сўмда)

	Устав капитали	Сотиб олинган ўз акциялари	Эмиссия даромади	Тақсимланмаган фойда	Жами: хусусий капитал
<b>2015 йил 31 декабрь ҳолатига кўра қолдиқ</b>	<b>99 007 947</b>	-	<b>2 374 809</b>	<b>53 275 490</b>	<b>154 658 246</b>
Ҳисобот давридаги жами умумлашган даромад	-	-	-	37 078 362	37 078 362
Сотиб олинган ўз акциялари	-	(7 646 750)	(305 870)	-	(7 952 620)
Эълон қилинган дивидендлар	-	-	-	(16 513 596)	(16 513 596)
Капиталлаштирилган дивидендлар	25 158 178	-	1 006 328	-	26 164 506
<b>2016 йил 31 декабрь ҳолатига кўра қолдиқ</b>	<b>124 166 125</b>	<b>7 646 750</b>	<b>3 075 267</b>	<b>73 840 256</b>	<b>193 434 898</b>
Ҳисобот давридаги жами умумлашган даромад	-	-	-	60 714 143	60 714 143
Эълон қилинган дивидендлар (2016 йил учун)	-	-	-	(11 798 429)	(11 798 429)
Эълон қилинган дивидендлар (2017 йил 6 охири учун)	-	-	-	(8 529 894)	(8 529 894)
Капиталлаштирилган дивидендлар	15 833 875	-	633 355	(16 467 230)	-
Сотиб олинган ўз акцияларни жойлаштириш	-	7 646 750	211 234	-	7 857 984
<b>2017 йил 31 декабрь ҳолатига кўра қолдиқ</b>	<b>140 000 000</b>	-	<b>3 919 856</b>	<b>97 758 846</b>	<b>241 678 702</b>

## АУДИТ НАТИЖАЛАРИ

## «ASIA ALLIANCE BANK»

## акциядорлик-тижорат банки

ПУЛ ОҚИМЛАРИ ТЎҒРИСИДАГИ ЙИФМА ҲИСОБОТ, 31 декабрда яқунланган 2017 йил учун (минг сўмда)

Моддалар	2017 йил 31 декабрь	2016 йил 31 декабрь
<b>Операцион фаолиятдан келган пул оқимлари</b>		
Олинган фойзалар	120 670 072	87 092 719
Тўланган фойзалар	(37 504 464)	(25 984 515)
Воситачилик ва хизматлар учун тўловлар тарзида олинган пул маблағлари	77 617 990	53 932 412
Воситачилик ва хизматлар учун тўловлар тарзида тўланган пул маблағлари	(30 919 443)	(23 401 686)
Хорижий валюталар билан боғлиқ операциялардан олинган тушум	2 907 397	1 049 272
Бошқа олинган операцион даромадлар	3 097 203	3 986 924
Ишчиларга тўланган пул маблағлари	(43 643 703)	(27 993 382)
Маъмурий ва бошқа операцион харажатлар, тўлангани	(32 569 541)	(19 306 617)
<b>Операцион активлар ва мажбуриятларда ўзгаришлар бўлгунча операцион фаолиятдан келган пул оқимлари</b>	<b>59 655 511</b>	<b>49 375 127</b>
<b>Операцион активлар ва мажбуриятлардаги ўзгаришлар</b>		
Ўзбекистон Республикаси Марказий банкидаги мажбурий захиралар	(6 295 165)	(3 245 546)
Банклардаги маблағлар	(8 395 205)	5 008 786
Мижозларга кредит ва бўнақлар	(106 453 587)	(255 917 307)
Бошқа активлар	(339 241)	(13 200 147)
Банкларнинг маблағлари	(64 911 716)	108 111 375
Мижозларнинг маблағлари	247 430 053	61 870 402

Молиявий ҳисоботнинг тўғрилиги «Ernst & Young» МЧЖ аудиторлик ташкилоти (Ўзбекистон Республикаси Молия вазирлигининг 2008 йил 5 февралдаги АФ 00628-сонли лицензиясига эга) томонидан тасдиқланган ва Молиявий ҳисоботнинг халқаро стандартларига мувофиқ тайёрланган. Юқорида келтирилган маълумотлар тўғрисидаги ахборот банкнинг 2017 йил 31 декабрь ҳолати бўйича ҳисоботи тўғрилиги ҳақидаги аудиторлик хулосасида бор.

Хизматлар лицензияланган.

## Банк хизматлари оммабоплигини оширишнинг аниқ чоралари кўрилмоқда

Ўзбекистон Республикаси Марказий банки Бошқаруви-нинг навбатдаги кенгайтирилган мажлиси бўлиб ўтди.

Ўзбекистон банклари ассоциациясида бўлиб ўтган мажлисда мамлакатимиз банк тизими ходимлари томонидан Давлатимиз раҳбарининг шу йил 23 мартдаги «Банк хизматлари оммабоплигини ошириш бўйича қўшимча чора-тадбирлар тўғрисида»ги Қарори ижросини таъминлаш масалалари муҳокама этилди. Бу ҳақда sbi.uz сайтида хабар берилди.

Мажлисда Ўзбекистон Республикаси Марказий банки, Ўзбекистон банклари ассоциацияси, тижорат банклари, Бош прокуратура ва Президент девонининг масъул раҳбарлари иштирок этиди.

Марказий банк Раиси М.Нурмуратов ушбу қарор банк тизимидаги ислохотлар изчиллигини таъминлашга қаратилганига тўхталар экан, «қарорнинг ҳар бир бандида ва тижорат банкларининг «йўл хариталари»да белгиланган чора-тадбирлар банкларнинг барча филиаллари фаолиятида ўз аксини топиши ва энг асосийси, бу ўзгаришларни халқ ва тadbirkorлар амалда кўриши лозим», дея таъкидлади.

Банк тизимида амалга оширилаётган ислохотлар натижасида хизмат кўрсатишнинг бозор механизмлари жорий қилинаётгани, тadbirkorлик субъектлари ва аҳоли кенг қатламига мақбул келадиган молиявий хизматлар турлари кенгайиб бораётгани таъкидлаб ўтилди.

Шу билан бирга, банк хизматлари

истеъмолчиларининг қонуний манфаатлари ва ҳуқуқларига риоя қилиш, молиявий хизматлар оммабоплигини таъминлаш, айниқса, хизмат кўрсатиш маданиятини ошириш ва банк тизимига бўлган ишонччи янада юқори даражага олиб чиқишда бирмунча муаммо ҳамда камчиликлар сақланиб қолмоқда.

Мажлисда аҳоли ва тadbirkorлик субъектларининг ҳақли эътирозлари га сабаб бўлаётган ушбу нуқсонлар бирма-бир санаб ўтилди.

Аниқланган камчиликларни бартараф этиш, банк хизматлари истеъмолчиларининг ҳуқуқларини ҳимоя қилиш механизмларини янада такомиллаштириш ва инновацион ривожланишнинг замонавий тенденцияларини эътиборга олиб, шунингдек, 2017-2021 йилларда Ўзбекистонни ривожлантиришнинг бешта устувор йўналиши бўйича Ҳаракатлар стратегиясида белгиланган вазифалар ижросини таъминлаш учун Марказий банк томонидан изчил чоралар кўрилмоқда.

Мажлисда тижорат банкларига илгор халқаро банк амалиётини чуқур ўрганиш асосида мунтазам равишда янги замонавий хизмат турларини жорий этиш, ҳудудларда, айниқса, чекка туманларда аҳолининг банк хизматларига бўлган талабидан келиб чиқиб, банк филиаллари, мини-банклари тармоғини кенгайтириб бориш, филиалларнинг миқозларга кредит ажратиш бўйича бош банкнинг аралашувисиз қарор қабул қилиш ваколатларини ошириш тасвია этилди.

Шу билан бирга, тижорат банклари: — банкларга ташриф буюрувчилар хизматлар тўғрисида маълумот олиш, маслаҳат сураш, хизматлардан фойдаланиш учун банк биносига рухсатномасиз ва шахсини тасдиқловчи

ҳужжатни тақдим этмасдан кира олиш учун шaroит яратишлари;

— кредит (микрoзаём) аризаларини очиқ рўйхатга олиш ва уларни кўриб чиқиш жараёнининг кетма-кетлигини аниқ белгилаш, натижалари бўйича миқозга кредит (микрoзаём) ажратиш ёки ажратмаслик тўғрисида асослан-тирувчи маълумот юбориш тартибини тасдиқлашлари;

— кредит ажратишда миқозларга «кредитнинг тўлиқ қиймати», кредит бериш ва унга хизмат кўрсатиш (қайтариш) билан боғлиқ бўлган барча тўловлар тўғрисида олдиндан тўлиқ тушунтириш бериш тизимини йўлга қўйишлари;

— кўрсатилаётган барча хизмат турлари бўйича белгиланган тарифлар банкларнинг веб-сайтида жойлаштирилиши, шунингдек, шартномаларда тегишли хизматлар бўйича белгиланган ҳақлар аниқ кўрсатилиб борилиши; — микроқарз ажратиш ҳуқуқини бериш бўйича қонунга киритилади-ган ўзгартришлар кучга кириши билан банклар миқозларга камда 3 та микроқарз турини тақлиф этишга тайёр бўлиши;

— кредитлашнинг қисқа муддатли, экспресс механизмларини йўлга қўйишлари зарурлиги қайд этилди.

Бундан ташқари, қарор талаблари асосида Ўзбекистон банклари ассоциациясига банклар фаолиятини такомиллаштириш ва банк хизматларининг оммабоплигини оширишга қаратилган комплекс чора-тадбирларни ишлаб чиқиш ва амалга ошириш вазифаси юкланди.

Ушбу комплекс чора-тадбирларни ишлаб чиқиш ва амалга оширишда тижорат банклари ҳам фoл иштирок этиши талаб этилди.

Мажлисда транзакцияларни амалга оширишнинг хавфсиз ва узлуксизлигини таъминлайдиган миллий чакана тўлов тизимини яратиш ва ривожлантириш, ижтимоий-маиший, транспорт, савдо, умумий оватланиш соҳасида нақдсиз тўловларни амалга оширишда бевосита мулоқотсиз ва мобил технологиялардан фойдаланган ҳолда инновацион маҳсулотларни ривожлантириш чоралари кўриб борилиши қайд этилди.

Жорий йилнинг 1 ноябрга қадар тижорат банклари билан биргаликда узлуксиз режимда ишлайдиган автоматлаштирилган валюта алмаштириш пунктларини ташкил этиш чоралари белгилаб олинди.

Бундан ташқари, тижорат банклари раҳбарларига тижорат банкларининг касса ва валюта алмаштириш билан боғлиқ фаолиятини оптимиллаштириш чораларини кўриш тасвია этилди.

Қарор талабларидан келиб чиқиб, кредит ташкилотларининг ҳар бир филиалида муомала маданияти, хусусан, миқозлар билан муносабатларни ўзгартриш, банк ходимларининг аҳоли ва тadbirkorларга молиявий маслаҳатчи-қўмакчи бўлиш, давр талабига мос замонавий чакана хизмат турларини жорий қилиш, кредит муносабатларини тубдан қайта кўриб чиқиш лозимлиги таъкидланди.

Шунингдек, мажлисда банк тизими фаолиятини янада такомиллаштириш, иқтисодий ислохотларни чуқурлаштириш борасида маъзур соҳа зиммасига юклатилган вазифаларнинг ўз вақтида ва тўлиқ ҳажмда ижро этилиши танқидий таҳлил қилиниб, йўл қўйилган хато ва камчиликларни зудлик билан бартараф этишга қаратилган зарур чоралар белгилаб олинди.

## Халқаро ҳамкорликка эътибор

Акциядорлик-тижорат «Алоқабанк» миллий ва хорижий валютатадаги вакиллик ҳисоб рақамларини «Tengri Bank» АЖ (Қозоғистон) ва «Дос-Кредобанк» ОАЖ (Қирғизистон) учун очди.



**М**уассаса мижозлари учун янада қулай шарт-шароитлар яратиш ҳамда бизнеснинг ўзига хос хусусиятларини ҳисобга олган ҳолда хорижий молия институтлари билан корреспондентлик муносабатларини кенгайтириш устида фаол иш олиб бормоқда.

Ҳозирги кунда АТ «Алоқабанк» «Commerzbank AG» (Германия), «Азия Инвест Банк» (Россия), Bank of China, «Agricultural Bank of China» (Хитой), «KB Kookmin Bank» (Жанубий Корея) каби хорижий банклар билан корреспондентлик алоқаларини ўрнатган.

«Tengri Bank» АЖ Қозоғистон Республикаси тижорат банки бўлиб, юридик ва жисмоний шахсларга кенг тур-

даги банк хизматларини тақдим этади. Банкнинг стратегик мақсади – профессионал ходимлар жамоасини тузган ҳолда, илғор технологиялар соҳасидаги ютуқлардан фойдаланиб, ўз мижозларига кенг доирадаги инновацион маҳсулот ва хизматларини тақдим этишдан иборатдир.

«Дос-Кредобанк» ОАЖ молия бозорида 20 йилдан бери фаолият кўрсатмоқда. Маҳаллий етакчи банклардан бири сифатида муассаса ўз фаолиятининг дастлабки даврдан бошлаб, Қирғизистон иқтисодиётини ривожлантириш, тадбиркорликни молиявий қўллаб-қувватлаб, янги иш жойларини яратишга катта ҳисса қўшиб келмоқда.

Ширин БАЙСЕНОВА.

## Банкнинг хорижий ҳамкорлари сафи янада кенгайди

(Давоми. Бошланғичи 1-бетда).

Учрашув чоғида инновацион технологияларни қўллаш асосида банк хизматларининг янги турларини жорий қилиш ва шу орқали хизмат кўрсатиш сифатини янада яхшилаш ҳамда тадбиркорлик субъектларини молиявий қўллаб-қувватлашни такомиллаштириш масалалари юзасидан ўзаро фикр алмашилди.

Учрашув якунида эса келгусида ўзаро ҳамкорлик Ишчи гуруҳини ташкил этиш, тажриба алмашиш тизимини йўлга қўйиб, муносабатларни ривожлантириш, шунингдек, тадбиркорлик субъектларини молиявий қўллаб-қувватлаш мақсадида кредит линияларини жалб қилиш бўйича Йўл харитасини ишлаб чиқишга келишиб олинди.

Қайд этиш жоиз, бундан аввал, «Микрокредитбанк» АТБ бошқаруви раиси мазкур давлатга амалга оширган хизмат сафари чоғида Туркия Кичик ва ўрта бизнесини қўллаб-қувватлаш департаменти билан (2018 йил 22 март кун) ҳам ҳамкорлик тўғрисида меморандум имзолаган эди. Унга қўра, «Микрокредитбанк» АТБ ходимлари Туркия Республикаси Кичик ва ўрта бизнесини қўллаб-қувватлаш департаментининг фаолияти, ушбу соҳани имтиёзли равишда молиявий қўллаб-қувватлаш шарт-шароитларини ўрнатди. Шунингдек, ҳамкорлик доирасида «Микрокредитбанк» АТБ то-

монидан кичик бизнесни молиявий қўллаб-қувватлаш самарадорлигини ошириш имкониятларини яратиш лойиҳалари амалга оширилади.

Шунингдек, «Микрокредитбанк» АТБ ҳамда Туркия Кичик ва ўрта бизнесини қўллаб-қувватлаш департаменти ўртасида ҳам меморандум ижросини таъминлаш мақсадида ўзаро ҳамкорлик Ишчи гуруҳини ташкил этиб, биргаликда амалга ошириладиган ишлар юзасидан Йўл харитасини тузишга келишиб олинган.

Маълумот. Туркия Кичик ва ўрта бизнесини қўллаб-қувватлаш департаменти 1990 йилда мамлакатда кичик бизнес соҳасини халқаро тажрибалар асосида ривожлантириш ва қўллаб-қувватлаш мақсадида ташкил этилган. Асосий вазифалари кичик бизнесни зарур ахборот билан таъминлаш, маркетинг ва саноат ишлаб чиқариш йўналишида консалтинг хизматларини кўрсатиш, замонавий технологияларни жалб қилиш асосида маҳсулотлар сифатини ошириш юзасидан соҳа субъектларининг ишлаб чиқариш маданиятини юксалтиришга ҳисса қўшишдан иборатдир. Шунингдек, тузилма кадрлар тайёрлаш ва улар малакасини ошириш дастурларини амалга оширишга, давлатнинг экспорт салоҳиятини кўтаришга хизмат қилади.

Эъзоз КАМОЛОВА.

## БАНКЛАРДАН ХАБАРЛАР

### «ЭЗГУЛИК САРИ» ХАЙРИЯ АКЦИЯСИ

«Ўзсаноатқурилишбанк» акциядорлик-тижорат банки «Эзгулик сари» хайрия акцияси доирасида шу номдаги жамғарилувчи пластик картани муомалага чиқарди.

Ушбу пластик картага маблағлар ихтиёрий равишда хайрия ишларига ўз ҳиссасини қўшмоқчи бўлган банк ходимлари, мижозлари ҳамда бошқа юридик ва жисмоний шахслар томонидан мобил иловалар орқали ўтказилиши белгиланган.

Хайрия учун беғараз ўтказилган маблағлар Меҳрибонлик, Муруват ва Саховат уйлари ҳамда ижтимоий муҳофазага муҳтож кишилар эҳтиёжларига йўналтирилади.

Шаффофликни таъминлаш мақсадида банк томонидан пластик картада жамланган ва ёки сарфланган маблағлар ҳақида маълумот бериб борилади.

Маълумот ёрнида: «Эзгулик сари» номли жамғарилувчи пластик карта Ўзбекистон ёшлар иттифоқининг «Ўзсаноатқурилишбанк» АТБдаги Етакчилар кенгаши координатори (Уразимбетова Гулзар) номига очилган.

### 3D SECURE ТЕХНОЛОГИЯСИ АФЗАЛЛИКЛАРИ

Ўзбекистон Республикаси Ташқи иқтисодий фаолият миллий банки Visa халқаро карталари учун 3D Secure технологиясини жорий этиши муносабати билан барча Visa NBU карталарига эга мижозларини «SMS-хабарлаш» хизматига уламоқда.

Ушбу хизматга улааниш учун белгиланган шаклдаги аризани Visa пластик картаси очилган банк филиалида тўлдириб бериш лозим.

3D Secure (инглиз тилидаги Three-Domain Secure) – бу пластик картада интернет тўловни хавфсиз ўтказиш ягона технологияси бўлиб, у мижозни идентификация қилиш ва интернет тармоғида тўловларнинг хавф-хатарини камайтиришга кўмаклашади.



Ушбу технологияни ишлатиш чоғида мижоз интернет орқали ўтказган ҳар бир тўловни унинг уяли алоқа телефонига SMS шаклида келган бир марталик пароль билан тасдиқлаш орқали амалга оширади.

Тизим афзалликлари:

□ Хавфсиз: мижоз картаси бир мартабалик пароль билан ҳимояланган бўлиб, у фақат бир харид мобайнида амал қилади. Бу билан мижоз ўз маблағини фақат ўзи бошқара олади.

□ Осон: рўйхатдан ўтиш талаб этилмайди, харид пайтида бир тугмани босиш, кифоя.

□ Қулай: паролни ёдда сақлаш шарт эмас. Харид вақтида бир мартабалик пароль ҳар сафар янгидан жўнатилади.

### МИЛЛИЙ ҲУНАРМАНДЧИЛИККА КРЕДИТЛАР

«Агробанк» акциядорлик-тижорат банки миллий ҳунармандчиликни ривожлантиришга ўз ҳиссасини қўшиш мақсадида ушбу соҳага доир лойиҳаларга алоҳида эътибор қаратмоқда.

Бу борада банк «Ҳунарманд» уюшмасининг исталган аъзосига ҳунармандчиликни ривожлантиришда зарур бўладиган мини-технологиялар, асбоб-ускуна ва зарур жиҳозларни сотиб олиш, шунингдек, айланма маблағларни тўлдириш учун имтиёзли кредитларни тақдим этмоқда.

Кредитлар 6 ойлик имтиёзли давр билан икки йил муддатга энг

кам ойлик иш ҳақининг 300 баробари миқдоридан берилмоқда.

Шунингдек, «Агробанк» АТБ аҳоли, хусусан, Visa халқаро пластик карталарига эга мижозлари учун яна бир қулайлик яратди.

Эндиликда мана шундай тўлов картасига эга мижоз ўз мобил телефонига «SMS-хабарнома» хизматини бепул улаши мумкин. Унинг ёрдамида пластик картадаги қолдиқ маблағ, кирим ва тўловлар бўйича маълумотларни исталган вақтда олиб туриш имконияти мавжуд.

Мазкур хизматга улааниш банкнинг исталган филиалида амалга оширилади.

Назира МАВЛОНОВА тайёрлади.

## ИСЛОҲОТЛАР ЙЎЛИДА

## Банк хизматлари оммабоплиги ошириш бўйича қўшимча чора-тадбирлар тўғрисида Ўзбекистон Республикаси Президентининг ҚАРОРИ

(Давоми. Бошланғичи 1-бетда).

2. Ўзбекистон Республикаси Марказий банкининг таркибий тузилмасида банк хизматлари истеъмолчиларининг ҳуқуқлари ва қонуний манфаатларини ҳимоя қилишни таъминлаш, молиявий очиқликни ва аҳоли ҳамда тадбиркорлик субъектларининг молиявий саводхонлигини ошириш асосий вазифалари бўлган Банк хизматлари истеъмолчиларининг ҳуқуқларини ҳимоя қилиш механизми ташкил этилганлиги маълумот учун қабул қилинсин.

Ўзбекистон Республикаси Марказий банки банк хизматлари истеъмолчиларининг ҳуқуқларини ҳимоя қилиш вазифаларини бажаришда:

банк тизимида тизимли камчиликлар ва банк хизматлари истеъмолчиларининг ҳуқуқлари бузилишларини аниқлаш, шунингдек, уларнинг олдини олишга;

банк хизматлари истеъмолчилари ҳуқуқларининг бузилишига йўл қўйган кредит ташкилотларига нисбатан жавобгарлик чоралари кўрилишини таъминлашга;

банк хизматлари истеъмолчиларининг бузилган ҳуқуқларини тиклашда маслаҳат бериш ва кўмаклашишга;

молиявий очиқлик даражасини ошириш ва банк хизматлари истеъмолчиларининг саводхонлигини оширишга алоҳида эътибор қаратсин.

3. Белгилаб қўйилсинки, 2018 йил 1 июлдан тижорат банклари:

дастлабки руҳсатларсиз ва шахсни тасдиқловчи ҳужжатларсиз мижозларга бевосита хизмат кўрсатиш ҳудудига тўқтинликсиз кириш;

мижозларни дастлабки қабул қилиш маъмурият ходимларидан кўрсатилмаётган банк хизматлари тўғрисида дастлабки маслаҳатларни олиш; кредит (микроқарз) бериш тўғрисидаги қарорни қабул қилишнинг босқичма-босқич жараёнини ва кредит (микроқарз) бериш тўғрисида хабардор қилиш ёки уни беришни асосли рад этиш тартибини кўрсатган ҳолда кредит буюртмаларини шаффофлик асосида рўйхатдан ўтказиш ва кўриб чиқиш учун шароитларни яратиш.

4. Кредит ташкилотларига:

микроқарз шартномалари, шунингдек, ломбардлар томонидан тузилган кредит шартномалари бўйича йиллик қарз суммасининг ярмидан кўп миқдорда фоизлар ҳисоблаш, комиссия ундириш ва неустойка (штраф, пеня), жавобгарликнинг бошқа чораларини қўллаш;

кредит буюртмаларини кўриб чиқиш, сўуда ҳисоб рақамларига хизмат кўрсатиш, кредитлар ажратиш учун тўловлар, шунингдек, жисмоний шахслар ва кичик тадбиркорлик субъектлари томонидан кредитлар (микроқарзлар)ни муддатидан илгари қоплаш учун неустойка ундириш тақиқланади.

5. Тижорат банкларига:

банк фаолиятининг илғор халқаро тажрибасини ўрганиш ва банк хизматлари ва маҳсулотларининг янги турларини жорий этиш;

банк хизматларига бўлган талаб ва ўзини қоплашни инобатга олган ҳолда банк филиаллари ва мини-банклари тармоғини кенгайтириш;

филиалларнинг кредит ажратишда бош банклар билан қўшимча келишувсиз мустақил қарорлар қабул қилиш бўйича ҳуқуқларини кенгайтириш тавсия этилсин.

6. Ўзбекистон Республикаси Марказий банки:

а) 2018 йил 1 апрелга қадар Ўзбекистон Республикаси ҳудудида жисмоний шахслар томонидан халқаро тўлов карталарига сотиб олинган хорижий валютани тижорат банклари томонидан белгиланган лимитлар доирасида нақд шаклда ечиб олиш механизмининг жорий этсин;

б) 2018 йил 1 апрелга қадар тижорат банклари билан биргаликда хорижий валютанинг олди-сотди операцияларини амалга ошириш ва халқаро тўлов карталаридан пул маблағларини хорижий ва миллий валютадаги муддатли омонатларга ўтказишни таъминловчи жисмоний шахсларнинг ҳисобварақларини масофадан туриб бошқариш тизимини жорий этсин;

в) 2018 йил 1 майга қадар:

Банк хизматлари истеъмолчиларини билан ўзаро муносабатлар амалга оширилишида тижорат банкларининг фаолиятига қўйиладиган минимал талаблар тўғрисидаги низомни ишлаб чиқин ва тасдиқласин;

тижорат банкларига микроқарзлар ажратиш ҳуқуқи берилишини назарда тутувчи қонун ҳужжатларига ўзгартиш ва қўшимчалар тўғрисида Вазирлар Маҳкамасига таклифлар киритсин;

банк хизматлари истеъмолчиларининг ҳуқуқлари кредит ташкилотлари томонидан бузилган тақдирда уларга нисбатан Марказий банк томонидан санкциялар қўлланилиши юзасидан норматив-ҳуқуқий ҳужжатларга қўшимчалар киритсин;

потенциал қарз олувчининг кредитга лаёқатлилик даражасини баҳолаш ҳамда жисмоний шахсларга ва кичик тадбиркорлик субъектларига кредитлар (микроқарзлар) ажратиш муддатларини қисқартириш имконини берувчи тижорат банклари томонидан ўз скоринг моделини яратиш имконига эга бўлган кредит бюросида скоринг моделини мавжудлиги бўйича талаб ўрнатилишини назарда тутувчи низомни ишлаб чиқин ва тасдиқласин;

г) 2018 йил 1 июлга қадар Ўзбекистон Республикаси Президентининг ҳузуридаги Лойиҳа бошқаруви миллий агентлиги билан биргаликда банклар – маҳаллий ва халқаро банк карталари бўйича ҳисоб-китоблар иштирокчилари ўртасида ахборот ва технологик ўзаро муносабатларни таъминловчи ҳамда асосий вазифалари қўйиладиган этиб белгиланган Миллий банк процессинг марказини яратиш Концепциясини ишлаб чиқсин;

транзакцияларнинг хавфсиз ва узлуксиз амалга оширилишини таъминловчи миллий чакана тўлов тизимини тузиш ва ривожлантириш;

қулай тўлов хизматларини яратиш ва ривожлантириш;

нақд пулсиз тўловларни амалга оширишда инновацион маҳсулотларни, шу жумладан, бевосита мулоқотсиз ва мобил технологияларни ривожлантириш ҳамда илгари суриш;

бевосита мулоқотсиз ва мобил технологияларни, биринчи навбатда, ижтимоий-маиший хизмат кўрсатиш, транспорт, савдо, умумий овқатланиш соҳаларида, айниқса, ҳудудларда жорий этиш;

халқаро тўлов тизимлари билан ўзаро ҳамкорликни таъминлаш;

д) 2018 йил 1 июлга қадар Ўзбекистон банклари ассоциацияси ва тижорат банклари билан биргаликда норезидентларнинг тўлов карталари барча тўлов терминаллари тармоғи орқали қабул қилинишини таъминловчи маҳаллий тўлов тизимларини асосий халқаро тўлов тизимлари билан интеграциялаш жараёнини тугалласин;

е) 2018 йил 1 ноябрга қадар тижорат банклари билан биргаликда туристлар кўпроқ борадиган жойларда кунутун режимда ишловчи автоматлаштирилган валюта айирбошлаш шохобчалари ташкил этилишини таъминласин.

7. Ўзбекистон банклари ассоциациясига банк хизматлари оммабоплигини ошириш ва банк фаолиятини тақомиллаштиришдаги ролини кучайтиришга қаратилган, шу жумладан, қўйидагиларни назарда тутувчи чора-тадбирлар дастурини ишлаб чиқиш ва уни амалга ошириш тавсия этилсин:

Ўзбекистон банклари ассоциацияси фаолияти самарадорлигини янада ошириш Концепциясини тасдиқлаш;

банк тизими ходимларининг касбий маҳоратини ошириш, илғор халқаро тажрибадан келиб чиқиб, хорижий банклар билан тажриба алмашишни йўлга қўйиш;

маҳаллий давлат ҳокимияти органлари билан биргаликда хорижий мутахассисларни жалб қилган ҳолда аҳолининг молиявий саводхонлигини ошириш юзасидан тадбирларни амалга ошириш;

банк хизматлари оммабоплигининг долзарб муаммолари, халқаро тажрибани ўрганиш ва уни республика банк хизматлари бозорига қўллаш юзасидан таклифлар ишлаб чиқиш, банклар ва уларнинг мижозлари учун ахборот-тахлилий ва консалтинг хизматларини ташкил этиш юзасидан мавзуга оид изланишлар олиб бориш;

масофавий банк хизматлари кўрсатишни ривожлантириш бўйича замонавий ва илғор банк хизматларини амалиётда рўёбга чиқариш ташаббусларини илгари суриш, янги ахборот технологияларини жорий этиш;

банк хизматларининг янги турлари ва маҳсулотларини аниқлаш ҳамда уларни кейинчалик республика банкларида татбиқ этиш мақсадида илғор чет эл банкларининг фаолиятини ўрганиш.

8. Ўзбекистон Республикаси Ахборот технологиялари ва коммуникацияларини ривожлантириш вазирлиги Ўзбекистон Республикаси Марказий банки ва бошқа манфаатдор идоралар билан биргаликда 2019 йил 1 январга қадар муддатда:

жамғариб бориладиган пенсия тизимидаги фуқаролар учун ҳисобланган маблағлар;

Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига

фуқароларнинг ҳисобланган сугурта бадаллари;

солиқ ва бошқа мажбурий тўловлар бўйича ҳисобланган қарздорликлари; идентификациялаш учун жисмоний шахслар ва тадбиркорлик субъектлари;

жисмоний шахсларнинг мулки ва бошқа олган даромадлари;

юрidik шахсларнинг молиявий ҳолати тўғрисидаги ахборотларни олиш имконини берувчи давлат органлари ва кредит бюро ўртасида маълумотларни қайта ишлаш ва электрон алмашиш Ягона идоралараро ахборот тизимини яратиш.

9. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари тижорат банкларига филиаллар, мини-банклар ва автоматлаштирилган валюта айирбошлаш шохобчаларини ташкил этишга зарур бўлган ер участкаларини ўрнатилган тартибда ажратишда кўмаклашсин.

10. Ўзбекистон Республикаси Марказий банки, Ўзбекистон банклари ассоциацияси ва тижорат банклари томонидан ишлаб чиқилган банкоматлар тармоғини қўшимча кенгайтиришнинг 2018 йилга мўлжалланган прогноз кўрсаткичлари 1-иловага мувофиқ маъқуллансин.

11. Тижорат банклари ва процессинг ташкилотлари томонидан олиб қилинадиган божхона тўловлари тўлашдан (божхона расмийлаштируви йиғимларидан ташқари) 2020 йил 1 январгача бўлган муддатга озод этиладиган ускуналар, дастурий таъминот, тўлдирувчи ва бошқа материаллар рўйхати 2-иловага мувофиқ тасдиқлансин.

12. Вазирлар Маҳкамаси манфаатдор вазирлик ва идоралар билан биргаликда Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувватлаш давлат жамғармаси томонидан тақдим этиладиган тадбиркорлик субъектларини молиявий қўллаб-қувватлашнинг амалдаги механизмининг банк кредитлари бўйича фоизли харажатларнинг айрим қисмларини қоплашда республика ҳудудларининг ижтимоий-иқтисодий ҳолатидан келиб чиққан ҳолда табақалаштирилган ёндашув услубини қўллаш асосида қайта кўриб чиқсин.

13. Ўзбекистон Республикаси Марказий банки Адлия вазирлиги ҳамда бошқа манфаатдор идоралар билан биргаликда бир ой муддатда қонун ҳужжатларига мазкур қарордан келиб чиқадиган ўзгартиш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

14. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари Ж.А.Қўчқоров ва Ўзбекистон Республикаси Марказий банкининг раиси М.Б.Нурмуратов зиммасига юклансин.

Ўзбекистон Республикаси  
Президенти Ш.МИРЗИЁЕВ  
Тошкент шаҳри,  
2018 йил 23 март

## ТАРАҚҚИЁТ ОДИМЛАРИ

## Ўзбекистон ташаббуси билан Афғонистондаги тинчлик учун халқаро мулоқот майдони ташкил этилди

(Давоми. Бошланиши 1-бетда).

Унда иштирок этиш учун мамлакатимизга АҚШ, Россия, Хитой, Туркия, Эрон, Покистон, Ҳиндистон, Буюк Британия, Германия, Италия, Франция, Қозоғистон, Қирғизистон, Тожикистон, Туркменистон, Саудия Арабистони, Бирлашган Араб Амирликлари каби давлатлардан нуфузли делегациялар ташриф буюрди. Бу ҳақда president.uz сайтида хабар берилди.

Халқаро экспертлар, сиёсатшунослар конференция жараёнини диққат билан кузатиб борди. АҚШ, Буюк Британия, Хитой, Россия, Япония ва Марказий Осиё мамлакатларининг етакчи телеканаллари, ахборот агентликлари ва нашрлари анжуман тадбирларини кенг ёритди.

Халқаро конференцияда Афғонистон Ислам Республикаси Президенти Муҳаммад Ашраф Ғани, Европа Иттифоқининг ташқи ишлар ва хавфсизлик сиёсати бўйича Олий вакили Федерика Могерини ҳам чиқиш қилди. Шундан сўнг, БМТ Бош котиби Антонио Гутерришнинг видеомурожаати намойиш этилди.

Давлатимиз раҳбари Бирлашган Миллатлар Ташкилоти Бош Ассамблеясининг 72-сессиясида Афғонистондаги вазиятни барқарорлаштириш бўйича Ўзбекистон позициясини баён қилган, бу борада амалий таклифларни илгари сургани эди. Тошкент халқаро конференцияси Афғонистон муаммосини тинч йўл билан ҳал этиш бўйича муҳим сиёсий жараёндир.

## Халқ банки: чорвачиликка доир инновацион лойиҳаларга мададкор

Мамлакатимизда Давлатимиз раҳбари раҳнамолигида қишлоқ хўжалиги соҳасида туб ислохотлар олиб борилмоқда.

**Х**усусан, чорвачилик соҳасини илмий асосда ташкил қилиш, аҳоли ва фермер хўжалиқларида парваришланаётган чорва зотларини маҳаллийлаштириш, сунъий уруғлантириш асосида чорва бош сонини кўпайтириш бўйича аниқ вазифалар белгилаб берилди.

Унга кўра, чорва молларини сунъий уруғлантириш кўламини кенгайтириш ҳамда наслчилик хўжалиқларига кенг қўлайлиқлар яратиш мақсадида «Ўзнаслчилик» корхонасининг Бухоро, Нукус ва Фарғона филиаллари очилди. Ушбу янги тузилмалар фаолият самарадорлигини таъминлаш, чорвачиликка доир лойиҳаларни ўз вақтида молиялаштириш мақсадида эса Акциядорлик-тижорат Халқ банки мазсўлу муассаса сифатида бириктирилди.

Айни пайтда банк насли ва зотдор молларни юртимизга олиб келиб, уларни кўпайтиришга йўналтирилган лойиҳаларни молиявий қўллаб-қувватлаб келмоқда.

2017 йилда Халқ банкининг молиявий кўмагида «Ўзнаслчилик» корхонасига Германия давлатидан 62 бош Голштин, Англер, Симментал ва Швиц зотли насли буқалар олиб келиниб, корхонадаги насли буқалар сони 132 бошга етказилди.

Шунингдек, «Қайқубоднаслчорва» МЧЖ негизда ташкил қилинган Фарғона филиалига Германия давлатидан 26 бош насли буқалар ҳамда Украина давлатидан сунъий уруғлантириш лабораторияси учун за-



рур дастгоҳлар олиб келинди. Мазкур ишлар учун банк томонидан 4 млрд. 600 млн. сўм миқдорда кредит маблағлари ажратилди.

Бундан ташқари, ўтган йили ушбу йўналишдаги ишларни сифат босқичга кўтариш мақсадида хориждан 1 700 дона насли буқанинг музлатилган уруғларини узоқ муддатга сақлашга мўлжалланган дьюар идишлар олиб келиниб, улар вилоятлардаги наслчилик хўжалиқларига тенг тақсимот асосида тарқатилди.

– Бугунги кунда «Ўзнаслчилик» корхонасида 132 бош, Бухоро вилояти бўлимида 40 бош ва Фарғона вилояти бўлимида 26 бош насли буқа сақланмоқда, – дейди корхона ходимларидан бири. – Ушбу корхоналар йилга 6 млн. 500 минг дозадан ортиқ насли буқаларнинг уруғини ишлаб чиқариш қувватига эга. Хориждан ҳар томонлама синовдан ўтказиб, олиб келинган замонавий дьюар идишлар мазкур насли буқалар уруғларини узоқ муддатга сифатли сақлашда яхши самара бермоқда. Бу борадаги ишларни

кўнгилдагидек ҳаётга татбиқ этишда эса Халқ банки томонидан йўналтирилган 1 млрд. 800 млн. сўмдан зиёд кредит маблағлари муҳим роль ўйнади.

Мамлакатимизда насли ва зотдор молларни кўпайтиришга астойдил қиришган Халқ банки жамоаси, шунингдек, Қашқадарё вилоятининг барча туманларида замонавий лаборатория ускуналаридан иборат чорва молларини сунъий уруғлантириш пунктларини ташкил қилди. Эндиликда мазкур сунъий уруғлантириш пунктларида насли қора моллар бош сони кўпайтирилиб, чорва зоти яхшиланиб борилмоқда. Бундан ташқари, ана шундай марказларда молларнинг махсусдорлигини ошириш, туманга олиб келаётган сунъий уруғлар сифатини лаборатория текширувидан ўтказиш ҳамда сунъий уруғлантирилган чорва молларини назоратга олиб бориш ишлари йўлга қўйилган. Бу билан чорва молларини чет давлатлардан валюта ҳисобига олиб келмасдан улар наслини ўзимизда кўпайтиришга эришилмоқда.

Назира МАВЛОНОВА.

### ҚУРИЛИШ САНОАТИ

Миллий матбуот марказида «Арзон ва сифатли қурилиш материаллари ишлаб чиқаришда бозор муносабатларини чуқурлаштириш, рақобатбардош маҳсулот ишлаб чиқаришнинг ўсишини рағбатлантириш, тармоқ корхоналари фаолиятини барқарорлаштириш ва молиявий жиҳатдан соғломлаштириш бора-сида белгиланган чоратдбирлар» мавзусида анжуман бўлиб ўтди.

**У**нда «Ўзқурилишматериаллари» АЖ бошқаруви раиси Б.Зарипов жамият томонидан аҳолини сифатли қурилиш материаллари билан таъминлаш, тармоқ корхоналарини модернизация қилиш орқали импорт ҳажмини камайти-

## Экспортбоп маҳсулотлар ортмоқда



риб, экспортбоп маҳсулотлар ишлаб чиқариш ҳажмини кўпайтириш ҳамда янги иш ўринларини яратиш борасида олиб борилаётган ишлар ҳақида тўхталиб ўтди.

Маълумотларга кўра, 2017 йилда қурилиш материаллари ишлаб чиқаришни ташкил этиш бўйича умумий қиймати 586,9 млн. АҚШ долларлик ёки 2 трлн. 465 млрд. сўмлик

2 167 та лойиҳа ишга туширилган бўлиб, бунинг натижасида 28,3 мингдан ортиқ янги иш ўринлари яратилди.

Айни кунда республикада 8000 га яқин қурилиш материаллари иқтисослашган корхоналар мавжуд бўлиб, улар томонидан 105 турдан ортиқ қурилиш маҳсулотлари ишлаб чиқарилмоқда. Келажақда улар турини 120 тага етказиш

мўлжалланмоқда. Жумладан, катта ўлчамли керамик плиткалар, глазури керамик плиткалар, керамогранит, стеклокристалит, базальт толали материаллар, композит арматура, базальт сендвич панеллар юқори маркали цемент, чоксиз металл қувурлар, арматура, металлпрокатлар ишлаб чиқариш кўзда тутилган.

Бугунги кунда эса яна қўшимча, 510 млрд. сўмлик 24 та лойиҳа ишга туширилиб, 1,1 минг та янги иш ўринлари яратилди. Хусусан, Самарқанд шаҳрида «Праймкерамикс» қўшма корхонасида йилга 2,7 млн. квадрат метр керамик плитка, «Ангрен» эркин иқтисодий зонасида «Нейшинл Керамикс» корхонасида 4,5 млн. квадрат метр керамогранит, «Навоий» эркин иқтисодий зонасидаги «ГринЛайнПрофил» корхонасида 3,5 минг тонна алюмин профиллари ишлаб чиқариш йўлга қўйилди.

Шунингдек, ҳудудий дастурларга асосан Жарқўрғон, Қораўзақ ва Қўрғонтепа туманларида юқори маркали цемент, Термиз шаҳри ва Сирдарё туманларида қамиш ва ғўзауп асосида ДСП, Нурота, Ўртачирчиқ туманларида ва Қўқон шаҳрида гранит ва мартшошлардан замонавий қурилиш материаллари, Фориш туманида базальт арматураси каби қурилиш материаллари ишлаб чиқариш лойиҳаларини ишга тушириш бўйича тизимли ишлар амалга оширилмоқда. Бундан ташқари 2016-2020 йилларда қурилиш индустриясини янада ривожлантириш дастурига кўра ўтган йилда 23 та лойиҳа бўйича 108,7 млн. долларлик инвестиция ўзлаштирилиб, жумладан 91,9 млн. долларлик 17 та лойиҳа ишга туширилди ва 6 таси эса жорий йилда ишга тушиши мўлжалланмоқда.

Бобур МУҲАММАДИЕВ.

## АУДИТ НАТИЖАЛАРИ

# «МАДАД ИНВЕСТ БАНК» акциядорлик-тижорат банки

Рўйхат рақами: ЎзР МБНинг 2018 йил 24 февралдаги 82-сонли лицензияси.  
Юридик манзили: 150100, Фарғона ш., Мустақиллик кўчаси, 312-уй.

## ПУЛ МАБЛАҒЛАРИ ҲАРАКАТИ ТЎҒРИСИДАГИ ҲИСОБОТ (минг сўмда)

### МОЛИЯВИЙ ҲОЛАТИ ТЎҒРИСИДАГИ ҲИСОБОТ (минг сўмда)

Моддалар	2017 йил 31 декабрь ҳолатига кўра	2016 йил 31 декабрь ҳолатига кўра
<b>Активлар</b>		
Пул маблағлари ва уларнинг эквивалентлари	32 339 153	3 663 092
Бошқа банкдаги маблағлар	7 708 637	847 990
Мижозларга кредит ва бўнақлар:	44 024 071	14 084 036
Манфий: эҳтимолий зарарлар бўйича захиралар	(56 552)	-
Мижозларга соф кредит ва бўнақлар	43 967 519	14 084 036
Асосий воситалар (соф баланс қиймати бўйича)	978 440	80 280
Номоддий активлар (соф баланс қиймати бўйича)	200 858	-
Солиқ талаблари	83 665	345
Бошқа активлар	23 856	36 396
<b>ЖАМИ АКТИВЛАР</b>	<b>85 302 128</b>	<b>18 712 139</b>
<b>МАЖБУРИЯТЛАР</b>		
Мижозлар маблағлари	62 896 208	5 617 836
Бошқа банклар маблағлари	-	-
Солиқ мажбуриятлари	125 540	21 195
Бошқа мажбуриятлар	328 707	74 589
<b>Жами мажбуриятлар</b>	<b>63 350 455</b>	<b>5 713 620</b>
<b>Хусусий капитал</b>		
Устав капитали	15 300 000	12 950 000
Захира капитал ва жамғармалар	4 850 596	-
Тақсимланмаган фойда	1 801 077	48 519
<b>Жами хусусий капитал</b>	<b>21 951 673</b>	<b>12 998 519</b>
<b>ЖАМИ МАЖБУРИЯТЛАР ВА КАПИТАЛ</b>	<b>85 302 128</b>	<b>18 712 139</b>

Моддалар	2017 йил
<b>Операцион фаолият бўйича пул маблағлари ҳаракати</b>	
Олинган фоизлар	5 903 119
Тўланган фоизлар	(1 508 076)
Олинган воситачилик ҳақлари	1 235 851
Тўланган воситачилик ҳақлари	(489 195)
Олинган дивидендлар	-
Ҳисобдан чиқарилган кредитларни қоплаш	-
Соф фоизсиз даромадлар	39 213
Ходимлар учун сарфланган харажатлар	(1 524 529)
Тўланган бошқа операцион харажатлар	(880 066)
Тўланган фойда солиғи	(471 871)
<b>Операцион активлар ва мажбуриятлардаги ўзгаришлардан олдинги операцион фаолият бўйича пул маблағлари ҳаракати</b>	<b>2 304 446</b>
<b>Операцион активларнинг соф (кўпайиши)/камайиши</b>	
Ўзбекистон Республикаси Марказий банкидаги мажбурий захиралар	(6 860 647)
Мижозларга кредит ва бўнақлар	(29 940 035)
Бошқа активлар	(37 973)
<b>Операцион мажбуриятларнинг соф кўпайиши/(камайиши)</b>	
Мижозларнинг маблағлари	57 224 372
Бошқа банклар маблағлари	-
Бошқа мажбуриятлар	358 464
<b>Операцион фаолиятдан олинган соф пул маблағлари ҳаракати</b>	<b>23 048 627</b>
<b>Инвестицион фаолиятдан олинган пул маблағлари ҳаракати</b>	
Шўъба, тобе хўжалик жамиятларини сотиб олиш ёки чиқариб ташлаш	-
Асосий воситалар ва номоддий активларни харид қилиш	(1 193 640)
Асосий воситалар ва номоддий активларни чиқариш	-
<b>Инвестицион фаолият бўйича олинган соф пул маблағлари ҳаракати</b>	<b>(1 193 640)</b>
<b>Молиявий фаолиятдан олинган пул маблағлари ҳаракати</b>	
Акцияларнинг муомалага чиқарилишидан тушган тушум	2 350 000
Тўланган дивидендлар	-
<b>Молиявий фаолиятдан олинган соф пул маблағлари ҳаракати</b>	<b>2 350 000</b>
Пул маблағлари ва уларнинг эквивалентларига валюта айирбошлаш курсларидаги ўзгаришларнинг таъсири	4 471 074
<b>Пул маблағлари ва уларнинг эквивалентлари соф кўпайиши (камайиши)</b>	<b>28 676 061</b>
<b>Ҳисобот йили бошидаги пул маблағлари ва уларнинг эквивалентлари</b>	<b>3 663 092</b>
<b>Ҳисобот йили охиридаги пул маблағлари ва уларнинг эквивалентлари</b>	<b>32 339 153</b>

### УМУМИЙ ДАРОМАД ТЎҒРИСИДАГИ ҲИСОБОТ (минг сўмда)

Моддалар	2017 йил	2016 йил
Фоизли даромадлар	5 903 119	66 605
Фоизли харажатлар	(1 508 500)	-
<b>Соф фоизли даромадлар</b>	<b>4 394 619</b>	<b>66 605</b>
Кредитларнинг қадрсизланиши бўйича захиралар	(510 627)	-
<b>Кредитлар қадрсизланиши бўйича захирадан кейинги соф фоизли даромад</b>	<b>3 883 992</b>	<b>66 605</b>
Воситачилик даромадлари	1 235 851	34 776
Воситачилик харажатлари	(496 678)	(6 169)
Хорижий валюта операцияларидан олинган соф даромадлар (харажатлар)	1 102	-
Бошқа фоизсиз даромадлар	39 213	-
Бошқа фоизсиз харажатлар	-	-
<b>Операцион харажатлардан олдинги фойда</b>	<b>4 663 480</b>	<b>95 212</b>
Операцион харажатлар	(2 546 449)	(30 677)
<b>Солиққа қадар олинган фойда</b>	<b>2 117 031</b>	<b>64 535</b>
Эҳтимолий зарарлар захирасини баҳолаш	-	-
<b>Фойда солиғи ундирилгунгача бўлган фойда</b>	<b>2 117 031</b>	<b>64 535</b>
Фойда солиғи харажатлари	(364 128)	(16 016)
<b>Йиллик соф фойда</b>	<b>1 752 903</b>	<b>48 519</b>
<b>Бошқа умумий даромад(харажат)</b>		
Узоқ муддатли активларни қайта баҳолашдан олинган фойда	-	-
Солиқнинг фойдага таъсири	-	-
<b>Жами умумий йиллик даромад</b>	<b>1 752 903</b>	<b>48 519</b>
Ҳар бир акцияга тўғри келадиган базавий фойда (сўмда)	638,19	18,73

### КАПИТАЛИДАГИ ЎЗГАРИШЛАР ТЎҒРИСИДАГИ ҲИСОБОТ (минг сўмда)

Моддалар	Устав капитали	Қўшилган капитал	Меъёрий активлар бўйича захиралар	Тақсимланмаган фойда	Жами капиталдаги ўзгаришлар
<b>2016 йил 1 январдаги қолдиқ</b>	-	-	-	-	-
Акциялар эмиссиялашуви	12 950 000	-	-	-	12 950 000
Капитализацияланган дивидендлар	-	-	-	-	-
Тўланган дивидендлар	-	-	-	-	-
Захира капиталга тушумлар	-	-	-	-	-
Имтиёзли кредитлаш жамғармаси	-	-	-	-	-
Ҳисобот йилидаги умумий даромад	-	-	-	48 519	48 519
Бошқа тузатишлар	-	-	-	-	-
<b>2017 йил 1 январдаги қолдиқ</b>	<b>12 950 000</b>	-	-	<b>48 519</b>	<b>12 998 519</b>
Акциялар эмиссиялашуви	2 350 000	-	-	-	2 350 000
Тўланган дивидендлар	-	-	-	-	-
Захира капиталга тушумлар	-	-	-	-	-
Қўшилган капиталлар	-	4 396 522	-	-	4 396 522
Меъёрий активлар бўйича захира	-	-	454 074	-	454 074
Ҳисобот йилидаги умумий даромад	-	-	-	1 752 903	1 752 903
Бошқа тузатишлар	-	-	-	345	345
<b>2017 йил 31 декабрдаги қолдиқ</b>	<b>15 300 000</b>	<b>4 396 522</b>	<b>454 074</b>	<b>1 801 077</b>	<b>21 951 673</b>

Молиявий ҳисоботнинг тўғрилиги (Ўзбекистон Республикаси Молия вазирлигининг 2008 йил 30 январдаги АФ 00531-сонли лицензиясига эга) «PKF MAK ALYANS» МЧЖ томонидан тасдиқланган ва унинг барча муҳим жиҳатлари Молиявий ҳисоботнинг халқаро стандартларига мувофиқ тайёрланган. Юқорида келтирилган маълумотлар тўғрисидаги ахборот банк ҳисоботининг 2017 йил 31 декабрь ҳолати бўйича тўғрилиги ҳақидаги аудиторлик хулосасида бор.

Хизматлар лицензияланган.

## Галерея: «Шойи баҳор» намойиши

Ўзбекистон Республикаси Ташқи иқтисодий фаолият миллий банки Тасвирий санъат галереясида Наврўз умумхалқ байрами арафасида «Шойи баҳор» кўргазмаси намойиш этила бошлади.



2017 йилнинг 8 декабрь куни Марғилон хунармандчиликини ривожлантириш маркази ЮНЕСКО номоддий маданий меросини сақлаб қолиш илгор тажрибаси рўйхатига «Атлас ва адрас ишлаб чиқариш технологиясини анъанавий сақлаб қолиш» номинацияси бўйича киритилди.

Шу муносабат билан Ўзбекистон Республикаси Маданият вазирлиги ва Ўзбекистон Тасвирий санъат галереяси Наврўз умумхалқ байрами арафасида «Шойи баҳор» кўргазмасини тақдим этмоқда.

Атлас ва адрас матосини яратиш нафақат мато, балки уни тайёрлаш услубларини ҳам ўз ичига олади. Бунда иплар аввал йиғилади кейин эса бўялади. Ушбу услуб икат деб номланиб, фақат шундан сўнггина тўқув дастоғига тушади. Абр — бу бир устанинг услубий безаги

бўлиб, фақат унгагина хос бўлган геометрияга эга. Уларда турли образлар ва безаклар, чизги ва рангларнинг ажабтоғур уйғунлиги мавжуд.

Ўзбекистон ҳудудида шойи тўқиш ривожига кўхна тарихга эга. Қўл меҳнати билан яратилган шойи матолар Буюк Ипак йўли давридаёқ машҳур бўлган. Улар орқали ўзбек шойиси Фарбга жўнатилар эди. Ипак ва ёрқин бўёқларга дахли бўлган абрбанд усталари шу қадар гўзал матоларни ишлаб чиқаришардики, улар ҳозирга қадар ўзининг сифати ва бўёқларининг ёрқинлиги билан барчани лол қолдиради.

Ўзбекистонда шойи тўқишнинг энг гуллаган даври XVIII асрнинг охири XX асрнинг бошларига тўғри келади. Айнан шу даврлардан бошлаб, қўл меҳнати билан яратилган ўзбек бадий матолари ишлаб чиқарилишининг асосий марказлари шаклланди. Энг машҳур марказ сифатида ҳали ҳамон Фарғона вилоятининг Марғилон шаҳри бўлиб қолмоқда. Кичик устахоналарда шойи тўқувчилар пахта иплардан, ярим шойи, шойи ва жун иплардан биридан ажойиб матолар ишлаб чиқаришади.

Мустақиллик йилларида ўзбек маданиятининг ўзига хослигига бўлган қизиқиш янада орди ва миллий шойи матоларини ишлаб чиқариш қайта тикланди. Бугунги кунда атлас нафақат юртимиз аҳлининг ҳаётида ўзига хос ўрин тутди, балки унга дунёнинг кўплаб машҳур дизайнерлари ҳам мурожаат қилишади.

«Шойи баҳор» кўргазмасида Р.Мирзааҳмедов, Ф.Дадажанов, М.Мирзаханов, Н.Валиев, А.Қосимов, И.Асқаров каби ўзбек шойи матолари бўлмиш атлас ва адрасларни ишлаб чиқарувчи ҳамда уни тайёрлашда эски технологиялардан фойдаланишни сақлаб қолишга улкан ҳиссасини қўшган абрбанд хунармандларнинг ишлари намойиш этилмоқда.

Кўргазма жорий йилнинг 16 апрелига қадар давом этади.

Эъзоз КАМОЛОВА.

## «Ўзсаноатқурилишбанк» жамоаси ғолиб

Ўзбекистон банклари ассоциацияси ташаббуси билан Ўзбекистон Республикаси Марказий банки кўмағида ҳар йили анъанавий равишда ўтказиб келинаётган Банклараро спартакиада жорий йилдаги мавсумини бошлаб олди.



Мамлакатимиз Мустақиллигининг 27 йиллигига бағишлаб спортнинг етти тури бўйича ўтказилаётган мазкур спорт тадбири шу кунгача юртимиз тижорат банклари ходимларини бадминтон ҳамда стол теннисни устида бирлаштирди. Олдинда барча банклар жамоаларини баскетбол, волейбол, сузиш, катта теннис, мини-футбол ҳамда банклараро футбол турнирлари кутиб турибди.

Мусобақаларда «Ўзсаноатқурилишбанк» акциядорлик тижорат банки жамоаси фахрли 1-ўринни эгаллади.

Таъкидлаш жоиз, Банклар-

аро спартакиада жисмоний тарбия, соғломлаштириш ва оммавий спорт тадбирларини замон талаблари даражасида ривожлантиришни амалга ошириш, банк ходимларининг спортга қизиқиши ва эътиборини кучайтириб, уларнинг ишдан ташқари бўш вақтларини мазмунли ташкил этиш, ғалабага бўлган интилиш ва иштиёқини камол топтириш, соғлом турмуш тарзини шакллантириш ва меҳнат самарадорлигини ошириш мақсадида ўтказиб келинмоқда.

Жорий йилда спартакиада ўн учинчи бор ташкил этилмоқда.

Наргиз АҲМЕДОВА.

## Чарм пойабзал маҳсулотлари экспорти ошмоқда

2017 йилда «Ўзбекчармпойабзали» уюшмаси таркибидаги корхоналар томонидан 703,1 млрд. сўмлик саноат маҳсулотлари ишлаб чиқарилиб, 103 млн. АҚШ доллари миқдоридаги чарм пойабзал маҳсулотлари экспорт қилинди.

Бугунги кунда ушбу тизимда 95 та ишлаб чиқариш корхонаси фаолият юритади. Улар томонидан тери хомашёси, пойабзал, чарм-атторлик ва сунъий чарм каби маҳсулотлар ишлаб чиқарилмоқда. Биргина 2017 йилда 703,1 млрд. сўмлик саноат маҳсулотлари, 241,9 млрд. сўмлик халқ истеъмоли моллари, 521,7 млн. квадрат дециметр чарм маҳсулотлари, 13894 минг жуфт пойабзал, 8075 млн. сўмлик чарм-атторлик маҳсулотлари

ишлаб чиқарилди. 103 млн. АҚШ доллари миқдорида чарм пойабзал маҳсулоти экспорт қилиниб, аввалги йилга нисбатан 109,2 фоизлик кўрсаткичга эришилди. Шунингдек, ўтган йил давомида 65 та лойиҳанинг амалга оширилиши натижасида 1 100 янги иш ўрни яратилди.

Жорий йилда хорижий сармоядорларни жалб қилган ҳолда соҳада инновацион технологияларни кенг татбиқ этиш борасида муҳим лойиҳалар амалга оширилмоқда. Тошкент шаҳрида полиуретан, Андижон вилоятида сунъий мўйна ва Фарғона вилоятида сунъий қопламали чарм ишлаб чиқариш шулар жумласидан бўлиб, уларни ишга тушириш эвазига 200 дан зиёд иш ўрни яратилишига ҳамда экспорт салоҳиятини янада оширишга эришилиши кўзда тутилган.

Ширин БАЙСЕНОВА.



БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси  
Марказий банки

«Norma Bank» МЧЖ

«Moliya yangiliklari agentligi» МЧЖ

БОШ МУҲАРРИР

А.Н. НАЗАРОВ

Нашр учун масъул

З.М. ЭРНАЗАРОВА

ЧОП ЭТИШГА ТАЙЁРЛОВЧИ

«Moliya yangiliklari agentligi» МЧЖ

ДИРЕКТОР

Р.Л. ВАЛИЕВ

Газета таҳририятнинг техник  
ускуналарида саҳифаланди.

АХБОРОТ КЎМАГИ

ЎЗА, «Туркистон-пресс» НАО

ТАҲРИРИЯТ МАЗИЛИ:

100060, Тошкент ш.,

Шаҳрисабз кўчаси, 23-уй.

e-mail: info@banknews.uz,

www.banknews.uz

Реклама ва эълонлар учун

232-43-32 телефони

орқали мурожаат қилинг.

Факс: 232-43-98.

Нашр индекси – 102.

Таҳририятнинг фақат ёзма розилиги билан «Банк ахборотномаси»да эълон қилинган материалларни кўчириб босишга ижозат берилмайди. Қўлёзмалар тақриз қилинмайди ва қайтарилмайди.

Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган.

Газета ҳафтада бир марта пайшанба кунини чиқади.

Буюртма № г 389.

Адади 6588 нуска.

Нархи шартнома асосида.

Газета АЗ ҳажмида, 2 шартли босма табоқда

чоп этилди.

Босишга рухсат этилди: 28.03.2018 й., 9.00.

1 2 3 4 5